

武功畧

武岡以武名莊躋唐蒙以前無論矣若唐之曹成王元之劉霸都雖百世祀可也驅其犬羊奠我室家黔巘巫禡洞窟林麓之間摩崖勒石可勝銘哉作武功畧

唐關播字務元衛州汲人及進士第再署幕府遷右補闕出為河南兵曹參軍事數試屬縣政異等陳少游鎮浙東淮南表為判官攝滁州刺史時盜賊蝟集播儲貲力給

武岡州志

卷二十

武功畧

軍興人無愁苦楊綰常袞皆善播引為都官員外郎德宗初通鑿作大湖南峒賊王國良驚剽州縣不可制詔播宣輯因得請事對殿中言奉詔平賊如有不受命臣請發

州兵翦定之帝曰善及還再遷給事中

新唐書關播本傳

李皐字子蘭唐宗室謚成王其先王明以太宗子國曹五世至皐年十七嗣位安史之亂從元宗幸蜀德宗建中元年為湖南觀察使時湖南牙將王國良據武岡叛詔以皐率五萬眾討之皐至屏兵投良以書中其忌良羞畏乞降王即假為使者從一騎馳五百里抵良壁鞭其門曰我曹



王來受良降良今何在良不得已錯愕迎拜盡降其軍祀

州名宦祠

韓愈曹成王碑

柳公綽字寬京兆華原人始生三日伯父子華曰與吾門者此兒也因小字起之幼孝友性質嚴重起居皆有禮法不讀非聖書舉賢良方正補校書郎授渭南尉累遷開州刺史尋遷侍御史時武元衡節度劍南與裴度俱判官尤相引重召為吏部郎中拜御史中丞李吉甫當國出為湖南觀察使時方討吳元濟詔發鄂岳卒五千隸安州刺史公綽曰朝廷以吾書生不知兵耶即請自行許之

新唐書公綽本

武岡州志

卷二十

武功畧

二

傳

元和七年辰淑州首領張伯靖反寇播淑二州發兵討

之不克

通鑑輯覽

時公綽為潭部戎帥提卒五百屯武岡宣天

子威命諭以順逆禍福衆降請奉職輸賦如初祀州名宦

事詳柳宗元武岡銘見文徵按公綽本傳不載此事說見古大政紀

宋李絢字公素邛州依政人少放蕩亡檢稍長能屬文

尤工歌詩嘗以事被繫既而逸去擢進士第再授大理評

事通判邠州歷開封府推官三司度支判官為京西轉運

使絢在京西苟察出知潤州改太常丞徙洪州時五溪蠻

寇湖南擇轉運使帝曰有館識善飲酒者為誰今安在輔



臣未諭帝曰是往歲城邠州者其人才可用輔臣以絢對  
遂除湖南轉運使絢乘驛至邵州戒諸部按兵毋得妄動  
使人諭蠻以禍福蠻罷兵受約束性嗜酒終以疾死

宋史李絢

本傳

楊文詡字巨卿武岡軍兵馬監押以勇威恩信服諸蠻誠  
徽諸崗徭至呼文詡爲父

舊志

郭逵字仲通其先自邢徙洛康定中兄遵死於敵用逵爲  
三班奉職隸陝西范仲淹麾下延安清剛社募兵誤殺熟  
羌將論死逵請而免之活壯士十三人方議取靈武逵曰

武岡州志

卷二十

武功畧

三

地遠而食不繼未見其利已而全軍歿人服其先見陳執  
中安撫京東奏爲駐泊將執中與賓佐論當今名將共推  
葛懷敏逵曰懷敏易與爾他日必敗朝廷事執中始怒居  
數日間曰君何以知葛懷敏非名將而敗事邪曰喜功徼  
幸徒勇無謀可禽也執中歎曰君真知兵懷敏旣覆師矣  
湖北溪蠻彭仕義叛加帶御器械爲北路鈐轄兼知澧州  
得蠻親信爲鄉導盡平諸隘遂破其所居桃花州仕義棄  
城走衆悉降遷禮賓使徙南路鈐轄知邵州武岡蠻反逵  
討平之累遷容州觀察使逵每戰先招懷後戰鬪愛惜士



卒不妄加誅戮其殺婦女老弱者皆不賞雖坐征南無功  
久廢猶隱然爲一時宿將云

宋史郭  
述本傳

元 劉國傑字國寶本女直人也姓烏古倫後入中州改

姓劉氏父德寧爲宗王幹臣國傑貌魁雄善騎射膽力過

人少從軍漣海以材武爲隊長至元六年選其兵取襄陽

國傑等以數百人敗之斬首四千餘級由是有名從略荆

南抵歸峽轉戰數千里帝壯之詔加懷遠大將軍賜號霸

都國傑行第二因呼之曰劉二霸都而不名霸都華言敢

勇之士也二十三年朝廷以湖廣重地且多盜拜本省左

武岡州志

卷二十

武功界

四

丞國傑至首平湖南盜李萬二加資德大夫二十五年湖

南盜詹一仔誘衡永寶慶武岡人嘯聚四望山官軍久不

能討國傑破之斬首盜餘衆悉降將校請曰此輩久亂急

則降降而有覺復反矣不如盡坑之國傑曰多殺不可况

殺降耶吾有以處之矣乃相要地爲三屯在衡曰清化在

永曰烏符在武岡曰白倉遷其衆守之每屯五百人以備

賊且墾廢田榛棘使賊不得爲巢穴降者有故田宅盡還

之無者使雜耕屯中後皆爲良民有詔討江西諸盜國傑

趨赴之大破其衆以前後功加湖廣右丞二十八年置湖



廣等處行樞密院遷副使還軍武昌三十年入朝帝謂朝臣曰湖廣重地惟劉二霸都足以鎮此他人不能也命無遷他官俄議問罪交趾加湖廣安南行平章事元貞元年即軍中加榮祿大夫湖廣行省平章政事繼又經畫茶陵衡郴道桂陽凡廣東江西盜所出入之地南北三千里置戍三十有八分屯將士以守之由是東盡交廣西亘黔中地周湖廣四境皆有屯戍制度周密諸蠻不能復寇盜賊遂息八年二月卒封齊國公謚武宣

元史劉國傑本傳

完者帖木兒湖南宣慰元帥順帝至正六年冬十月思靖

武岡州志

卷二十

武功畧

五

寇犯武岡詔完者帖木兒討之時先後討武岡獠寇吳天保爲湖廣右丞沙班湖廣行省平章苟爾舊志作苟爾公威順王寬徹不花鎮南王索羅不花五人元史無傳分見順帝本

紀詳載記理苗

明 吳良定遠人初名國興賜名良氣岸雄偉性剛直與弟楨俱以勇畧聞從太祖起濠梁並爲帳前先鋒良能沒水偵探從取滁州克和陽常先驅渡江與元兵戰采石克太平下溧陽又從徐達克鎮江下常州遂克江陰以良爲指揮使守之太祖詣江陰勞軍周巡壁壘歎曰良今之吳



起也吳平加昭勇大將軍進都督僉事洪武三年授開國  
輔運推誠宣力武臣榮祿大夫柱國同知大督都府事封  
江陰侯食祿千五百石予世券五年廣西蠻叛以良副徂  
南將軍鄧愈分道討之數月盡平左右兩江及五溪之地  
移兵入銅鼓五開收潭溪開太平殲清洞崖山之衆於銅  
關鐵寨古州入萬蠻皆震懼內附粵西遂平

明史吳良本傳舊志云

洪武四年奉命鎮寶慶時武岡土寇楊清甫叛良討平之築武岡城考本傳不載蓋事尙小故畧之也

胡海字海洋定遠人嘗入土豪赤塘王總管營自拔來歸  
授百戶屢戰屢傷鬪益力太祖壯之授花槍上戶復從大

武岡州志 卷二十一 武功畧

六

軍克荆澧衡潭擢寶慶衛指揮僉事遷指揮使命鎮益陽  
從平章楊璟征湖南廣西未下郡縣由祁陽進圍永州與  
守兵戰於東鄉橋生得千萬戶四人夜三鼓先登抵靖江  
與守兵戰南門生得萬戶二人夜四鼓自北門八角亭先  
登功最命爲左副總兵予世襲指揮使仍鎮益陽武岡靖  
州五開諸苗蠻先後作亂悉捕誅首亂者撫其餘衆遷都  
督僉事

明史胡海本傳

楊璟合肥人本儒家子以管軍萬戶從太祖以功擢湖廣  
行省參政移鎮江陵進攻湖南蠻寇駐師三江口復以招



高功遷行省平章政事率左丞周德興參政張彬將武昌諸衛軍取廣西洪武元年春進攻永州俘獲千餘人遣千戶王廷取寶慶德興彬取全州畧定道州藍山桂陽武岡諸州縣

明史楊璟本傳

王來字原之慈谿人宣德二年以會試乙榜授新建教諭用薦擢御史英宗即位再以薦擢山西左參政來居官廉練達政事然疾惡過甚傷刻急杖死縣令十人爲巡按御史曹泰所劾當徒遇赦以原官調廣東自此折節爲和平而政事亦修舉十四年改左副都御史巡撫河南及湖廣

武岡州志

卷二十

武功畧

七

襄陽諸府也先逼京師督兵勤王渡河聞寇退引還景泰元年貴州苗韋同烈作亂僭稱王勢張甚進來右都御史代侯璉總督軍務會保定伯梁寶都督毛勝方瑛討之至靖州賊掠長沙寶慶武岡來等分道邀擊俘斬三千餘人餘賊遁去已復出掠來等連戰皆捷賊平乞班師詔畱來寶鎮撫尋命來兼巡撫貴州廣通王徽燂謀反遣家奴入苗中封其酋楊文伯等三人爲侯使攻武岡靖州來等連戰破賊奴悉遁走事平召爲南京工部尙書陳時政十二事英宗復辟六尙書悉罷來歸卒於家

明史王來本傳



方瑛全椒人都督政之子正統初以舍人從父征麓川政  
深入上江逼賊援絕遣瑛去遂突陣死瑛發憤矢報父讐  
初襲金吾右衛指揮使六年從王曠征麓川鎮雲南景帝  
嗣位廷議以瑛有將略命都督毛福壽代還甫抵京而貴  
州羣苗叛道梗驥請瑛還討遂拜右副總兵與保定伯梁  
瑄侍郎候璉次第破走之進右都督景泰五年以功詔封  
南和伯瑛爲將嚴紀律信賞罰臨陣勇敢善撫士士皆樂  
爲用以故數有功廷臣言宜委以禁旅乃召還未幾湖廣  
苗叛拜瑛平蠻將軍率京軍討之密使御史張鵬偵其後

還奏瑛所過秋毫不犯帝大喜七年賊渠蒙能攻平溪衛  
都指揮鄭泰等擊卻之能中火槍死瑛遂進攻沅州連破  
鬼板等一百六十餘砦與尙書石璞移兵天柱率陳友等  
分擊天堂諸砦復大破之克砦二百七十禽僞侯伯以下  
一百二人時英宗已復位捷聞召璞還命璞畱鎮貴州湖  
廣瑛討蒙能餘黨克銅鼓藕洞諸砦一百九十五覃洞上  
隆諸苗咸斬賊渠納欵帝嘉其功進爵爲侯天順二年東  
苗干把豬等僭僞號攻都勻諸衛命瑛與巡撫白圭合川  
湖雲貴軍討之克六百餘砦邊方悉定瑛前後克諸砦幾



二千俘斬四萬餘平苗之功前此無與比者尋卒於鎮年四十五帝震悼賜謚忠襄瑛天資英邁曉古兵法嘗上練兵法及陣圖老將多稱之爲人廉退謙和不伐所至鎮以安靜民思之久而不忘

明史方瑛本傳

陳友其先西域人家全椒正統初官千戶累遷都指揮僉事景帝卽位進都督同知征湖廣貴州苗尋克左參將守備靖州景泰二年偕王來等擊賊香爐山自萬潮山入大破之留鎮湖廣論功進右都督四年春奏斬苗五百餘級五年又奏斬苗三百餘而都指揮戚安等八人戰死兵部

武岡州志

卷二十

武功畧

九

劾友首功不實指揮蔡昇亦奏友欺妄命總督石璞兼之斬獲僅三四十人陷將士千四百人宜罪詔令殺賊自劾天順元年隨瑛征天堂諸苗大獲命克左副總兵仍鎮湖廣已又偕瑛破蒙能餘黨詔封武平伯予世券

明史剛瑛傳

李震南陽人父謙都督僉事震襲指揮使景泰二年從王來征韋同烈破鎖兒流源諸砦俘斬千六百人共克香爐山獲同烈進都指揮使守靖州尋坐罪徵還方瑛討苗乞震隨軍詔許立功自贖已從瑛大破天堂諸苗命仍克左參將瑛平銅鼓諸賊震亦進武岡克牛欄等五十四砦以



斬獲功多進都督僉事天順三年復從瑛平干把豬瑛卒  
卽以震充總兵官代鎮貴州湖廣初麻城人李添保以逋  
賦逃入苗中僞稱唐太宗後衆萬餘僭王僞號武烈以故  
賊魁蒙能子聰爲帥剽掠遠近震進擊大破之添保遁入  
貴州鬼池諸苗中復誘羣苗出掠震禽之送京師尋破西  
堡苗五年春勦城步獠獠攻橫水城溪莫宜中平諸砦皆  
破之長驅至廣西西延會總兵官過興軍克十八團諸獠  
前後俘斬數千人其冬命震專鎮湖廣以李安克副總兵  
守貴州成化元年建議以貴州黎平諸府密邇湖廣五開

諸衛非一大將總領不可乃復命震兼鎮貴州未幾獲賊  
首蟲蝦進右都督時武岡沅靖銅鼓五開苗復蠶起而貴  
州亦告警震言貴州終難遙制請專鎮湖廣許之乃還兵  
由銅鼓天柱分四道進連破賊直抵清水江因苗爲導溪  
入賊境兩月間破巢八百焚廬舍萬三千斬獲二千三百  
而廣西獠劫桂陽者亦擊斬三千八百有奇當是時震威  
名著西南苗獠聞風畏懼呼爲金牌李七年與項忠討平  
李鬍子招撫流民九十萬人荆襄遂定十一年苗復犯武  
岡靖州湖湘大擾震與巡撫劉敷等分五道進破六百二



十餘砦俘斬八千五百餘人獲賊孥萬計論功封興寧伯  
尋卒震在湖湘久熟知苗情善用兵一時征苗功方瑛後  
震爲最然貪功好進事交結竟以是敗

明史李  
震本傳

王信字君實南鄭人生半歲父忠征北戰歿母岳氏苦節  
育之後俱獲旌正統中信襲寬河衛千戶成化初積功至  
都指揮僉事守備荆襄十三年以本官佩平蠻將軍印移  
鎮湖廣永順保靖二宣慰世相讐殺信諭以禍福兵卽解  
靖州及武岡蠻久不戢守臣議勦之信親詣犒以牛酒責  
其無狀衆稽顙服罪十七年疏言湖廣諸蠻雖腹心蠹實

武岡州志

卷二十

武功畧

十一

無能爲久不靖者由我將士利其竊發以邀功也選精銳  
慎隄防其患自息荆襄流逋本避徭役濫誅恐傷天和南  
畝之氓咸無蓄積收穫未竟餼糧已空機杼方停布縷何  
在乞選公正仁惠守令加意撫綏濫授冗員無慮千百無  
一矢勞冒崇階之賞乞察勘削奪都指揮劉斌張全智勇  
力薦於朝且云英雄之士處已剛正安肯俯首求媚若不  
加意延訪則志士沉淪朝廷安得而用之其持論如此信  
沈毅簡重好觀書被服儒雅歷大鎮不營私產嘗曰儉足  
以从死後不累子孫所遺多矣故人婚喪傾資助之

明史  
王信



本傳

閻仲宇隴州人進士巡撫湖廣都御史宏治十四年橫水扶城苗聚眾作亂仲宇集三司議調兵四萬四千得旨後四路并進次第攻破扶城邊溪牛石橫嶺四十餘寨斬首一千五百餘級俘賊屬及被擄男婦四百餘口餘賊奔入陽烏大十萬一作大東高等山時雨雪沍寒林箐深密各就所抵山陘安營已而搜巖剝藪陸續禽斬又千餘級明年班師奏凱始議割綬寧縣七里半武岡州二里半拓城步巡檢司置城步縣隸寶慶府以控制苗峒至今賴之府志

武岡州志

卷二十

武功畧

十三

康信隴西人寶慶衛鎮撫永樂初武岡蠻叛信領哨追及於平山徭大破之蠻遁入靖州者十餘年後餘黨復熾湖南騷動信復率兵力戰破其團崗十餘砦追至綏寧界之白巖後援不繼猶手刃六人遂遇害其子孫調任永州時世襲千戶裔用虹縣人小伍之子也洪武間充先鋒飛礮擊去鼻戰愈力後陣亡贈承信校尉以下俱輯府志及舊志王玉都指揮使永樂十一年鎮遠侯顧成都督梁福既平清水江一帶苗寇別遣玉將衛永兵數千人入城步牛欄山巖獲其大憨楊壯子等解京餘寇悉降



汪廸分守辰沅靖都指揮僉事景泰三年叅將陳友檄勦  
寇於黃茅坪遣人期約武岡守備范貞不至廸據高山分  
左右隊親執桴鼓逐賊衆潰去廸分三哨爲左右翼三哨  
並進賊至武岡城下抄掠關廂方趨利不虞廸軍隨至指  
揮夏營一作夏宗侯俊等身先士卒縱馬馳入賊中揮刃大呼  
賊衆擾亂逐至危塘斬首一百七十級生禽二人傷走無  
算

劉信都指揮景泰六年蒙能亂苗崗攻圍龍里

一作隆里叅將

陳友遣信與汪廸策應不利廸引退獨信與部下數十人

武岡州志

卷二十

武功畧

十三

力戰死之時又有范貞者衡州衛指揮景泰間爲湖廣都  
指揮使守備武岡遷新寧縣治築立土城民賴安堵

莊榮都指揮景泰五年蒙能之亂榮身在圍中與諸部校  
分地而守七晝夜不輟天順四年絞峒苗叛榮奉總兵李  
震檄同都指揮吉世瑛李景破勦之已又同分守左叅將  
高瑞右叅將李文攻入西延十八團破一百二十二砦斬  
首三千級收還被擄男婦七百口成化二年榮守備武岡  
時苗寇湖南榮伏兵於龍里鄉大破之

畢貞寶慶衛指揮成化間崗苗不靖出沒標掠貞督兵禦



之斬苗二十餘級以功陞都指揮使守備武岡時又有劉斌者京衛指揮以都指揮守備武岡奉都御史吳琰檄修築新寧石城斌有勇力性剛正爲平蠻將軍王信所薦見信傳

宋瑛靖州衛指揮宏治間守備武岡時城步苗猖獗遠邇騷動瑛訓練士卒威惠並行賊至以身先之斬獲甚多苗聞風遠遁以功陞都指揮十四年隨湖廣巡撫閻仲宇督右哨兵九千由牛石攻取城步八寨

王翰衡州衛指揮宏治中守備武岡正德元年土裔黃吉

武岡州志

卷二十

武功畧

十四

等亡命入綏寧淑浦山箐中憑依險阻羈中不逞之徒爭往投之嘯聚益衆大爲民患時都指揮靖州守備周輔一作輔者有威名賊憚之不敢犯僉事汪玉問輔以平寇之策輔謂若得武岡王翰合力者可成功也玉移檄趨翰與輔會勦羣蠻解散陸續斬獲地方始安

童景施州衛指揮正德中守備武岡嘉靖五年武岡遭寇

李政段文鑑

一作文諫

等大擾武陽諸鄉擄掠婦女虐焰甚熾

景委守備王表進捕表推委不前景草檄趨之已知其無能爲乃躬馳至關峽進抵武陽賊衆宵遁景乃細訊鄉老



得其林壑曲折及巖穴所在遣勇敢士胡廣德等逐跡窮  
搜禽政父子並其黨百六十人餘奔入溱浦是遣譏往誘  
夜掩捕之復禽百三十二人段文鑑亦爲守備袁桂所禽  
袁桂平溪衛指揮嘉靖中守備武岡者也治盜尤猛捕獲  
立斃之

周誥長沙衛指揮嘉靖中守備武岡十四年城步楊晟松  
等潛行劫掠誥勦撫之誥有雅度放情詩酒時嘉靖朝有  
張玉爲武岡鎮軍守備三十年大盜翟廷相蕭子連等烏  
合山猛二百餘衆流劫綏寧扶叢等處玉與靖州守備何

武岡州志

卷二十

武功畧

七

清各率所部討平之

達九思河南陳州衛百戶署指揮僉事隆慶間守備武岡  
性剛介紀律嚴明時武岡所轄長衡三衛分班戍守兵卒  
向有餽送名曰班例九思曰此班弊非班例也立却之凡  
邊鄙孤軍多方撫恤陞僉書有遺愛

李斌荊州衛指揮萬歷二年守備武岡性沉毅儉素自守  
馭軍尤嚴紀律著上考時崇正朝又有汪文洽秦應龍文  
洽南直隸人武進士器量宏偉守正不阿以不附藩王劾  
去人咸惜應龍另見



秦應龍河南人崇正末任當兵燹之後城郭蒿萊應龍招撫流遺軫恤軍伍身自誅茅構椽率民劬勞莫不感泣州中得延烟竈於不墟者皆應龍力也去之日民咸流涕國朝

賀雲狼山人武岡守備順治五年陳友龍陷武岡雲與知州何衡泗同距四十餘日城陷皆自焚於清渠門時又有楊應元武岡守備駐防城步順治六年潰兵陷城步應元死之

韓宏淳號元之浙江紹興人順治十八年以副將任武岡

武岡州志

卷二十

武功畧

六

營時武岡初定改設游擊宏淳戢兵愛民柔遠能邇革除民班陋例地方獲寧宇焉時又有張起鳳者河南人武岡千總駐防城步康熙五年苗賊李癩子等率衆逼城起鳳單騎出敵斬賊首二級又殺傷二十餘人賊始退起鳳亦以力疲氣竭未幾卒

藍美林字芝山直隸滄州人雍正十一年由行伍任武岡營遊擊時城步猺蒲寅山蠢動恃險負隅美林會同城步令蔣德重併力禽捕收山東高唐營游擊兵民謳思不替志曰自漢以前屢有事於五溪蠻矣然非武岡所得專



故不書書其獨著於武岡者唐之李臯柳公綽宋之李  
絢不戰而服策之上也乃若元之劉國傑明之方瑛李  
震斬馘動以萬計其勲名豈出李柳下哉莊榮劉信之  
徒多分闔武岡荷戈從戎捐軀殉難屹然爲一方保障  
跡其風烈殆皆不朽矣我

朝自賀雲以下百八十年來可紀者僅四人豈其才有不  
逮抑多故則易於見功承平則無由表著其大較也膺  
專闔之任者亦何幸而生優游無事之日哉

武岡州志

卷二十

武功畧

七

武岡州志卷二十